

# CIVILNO DRUŠTVO ZA Agendu Žene, mir i sigurnost

## Projektni zadatak (Terms of reference) za angažman konsultanta/ice za izradu Analize stanja ravnopravnosti spolova u Gradu Gračanica i pripremu Nacrta Lokalnog Gender akcionog plan (LGAP)

Centri civilnih inicijativa (CCI) objavljuju ovaj projektni zadatak čije sprovođenje je omogućeno kroz projekat “Žene vode na putu mira i sigurnosti u Bosni i Hercegovini” koji se implementira uz podršku Fonda za izgradnju mira generalnog sekretara Ujedinjenih nacija (PBF) u partnerstvu sa Ministarstvom za ljudska prava i izbjeglice BiH. Projekat implementiraju Ujedinjene nacije u BiH, a zajednički ga provode UN Women, Međunarodna organizacija za migracije (IOM) i Populacijski fond Ujedinjenih nacija (UNFPA). Projekt je usmjeren na unapređenje implementacije Agende za žene, mir i sigurnost (WPS) na lokalnom nivou kroz jačanje procesa održivog mira i socijalne kohezije, te poboljšanje pružanja usluga za žene pogođene konfliktom i marginalizirane žene u Bosni i Hercegovini.

Agenda Žene, mir i sigurnost (Rezolucija 1325) se u BiH lokalizira kroz jačanje liderstva žena mirotvorki, zagovarača ljudskih prava i ženskih organizacija, omogućavajući identifikaciju i odgovor na ključne probleme ljudske sigurnosti, prijetnje nasiljem, tenzije i podjele. Ovaj projekat ima za cilj osnažiti žene, posebno one iz marginaliziranih grupa, da aktivno učestvuju u procesima donošenja odluka na lokalnom nivou i da doprinesu izgradnji mira i socijalne kohezije u svojim zajednicama.

U sklopu projekta, CCI podržava implementaciju lokalnih kampanja usmjerenih na rješavanje konkretnih problema u zajednicama, koje su direktno povezane sa procesom lokalizacije agende „Žene, mir i sigurnost“.

### 1. KONTEKST

Projekt će podržati pokretanje lokalnih kampanja usmjerenih na rješavanje konkretnih problema u zajednicama, direktno povezanih sa Agendom „Žene, mir i sigurnost“. U Gradu Gračanica identificiran je nedostatak važećeg Lokalnog gender akcionog plana (prethodni je istekao 2025. godine), pa će se kroz kampanju podržati priprema i izrada novog LGAP-a. Za tu svrhu bit će angažovan/a eksterni konsultant/ica sa iskustvom u izradi gender akcionih planova, situacionih analiza i rodno odgovornih analiza budžeta, uz dokazano iskustvo u facilitaciji konsultativnih procesa sa zainteresovanim stranama.

Konsultant/ica će izraditi sveobuhvatnu analizu stanja ravnopravnosti spolova u Gradu Gračanica (uključujući analizu normativnog okvira, podataka za minimalno tri godine po ključnim oblastima i konsultacije sa akterima), na osnovu koje će biti definisani strateški pravci, ciljevi, mjere i

indikatori novog LGAP-a u skladu sa Zakonom o ravnopravnosti spolova BiH i Gender akcionim planom BiH 2023.–2027. Krajnji rezultat je Nacrt Lokalnog gender akcionog plana spreman za upućivanje Gradskom vijeću na usvajanje.

## 2. LOKALNA ZAJEDNICA KOJA ĆE BITI UKLJUČENA

- Gračanica

## 3. CILJEVI ANGAŽMANA

Ciljevi angažmana konsultanta odnose se na osiguravanje kvalitetne, na dokazima zasnovane i participativne izrade Lokalnog gender akcionog plana Grada Gračanica:

- Izraditi sveobuhvatnu i analitički utemeljenu procjenu stanja ravnopravnosti spolova u Gradu Gračanica.
- Osigurati usklađenost Lokalnog gender akcionog plana sa Zakonom o ravnopravnosti spolova BiH, Gender akcionim planom BiH (2023–2027) i relevantnim evropskim standardima.
- Omogućiti inkluzivan i participativan proces izrade dokumenta kroz aktivno uključivanje svih relevantnih aktera i ciljnih grupa.
- Definirati jasne strateške prioritete, ciljeve i mjere zasnovane na identifikovanim potrebama i izazovima u lokalnoj zajednici.
- Uspostaviti mjerljive rezultate i indikatore te definirati efikasne mehanizme implementacije, praćenja, izvještavanja i evaluacije.
- Izraditi kvalitetan i primjenjiv Nacrt Lokalnog gender akcionog plana spreman za razmatranje i usvajanje od strane Gradskog vijeća Grada Gračanica.

## 4. OPSEG RADA I ODGOVORNOSTI

Od angažovanog facilitatora očekuje sljedeće:

- Planiranje i organizacija procesa izrade LGAP-a u koordinaciji sa Komisijom za ravnopravnost spolova i drugim relevantnim akterima.
- Prikupljanje, obrada i analiza kvantitativnih i kvalitativnih podataka o stanju ravnopravnosti spolova za minimalno trogodišnji period.
- Provođenje sveobuhvatne analize normativnog, strateškog i institucionalnog okvira te procjena usklađenosti sa domaćim i međunarodnim standardima.
- Izrada analize zainteresovanih strana i identifikacija ključnih aktera.
- Vođenje participativnog konsultativnog procesa sa predstavnicima institucija, civilnog društva i drugih relevantnih grupa, uz primjenu odgovarajućih metoda konsultacija.
- Izrada rodno odgovorne analize budžeta.

- Definisiranje strateških pravaca, prioriteta, ciljeva, mjera i aktivnosti na osnovu provedenih analiza i konsultacija.
- Razrada očekivanih rezultata, indikatora te mehanizama implementacije, praćenja, izvještavanja i evaluacije.
- Izrada i finalizacija Nacrta Lokalnog gender akcionog plana.
- Pružanje stručne i tehničke podrške tokom procesa javnih konsultacija i pripreme dokumenta za upućivanje na usvajanje Gradskom vijeću.
- Dostavljanje izvješta u roku od pet radnih dana završenog angažmana

## 5. KVALIFIKACIJE I ISKUSTVO

Od kandidata se očekuje da posjeduje:

- Visoko obrazovanje u društvenim naukama
- Najmanje 5 godina iskustva u radu na temama ravnopravnosti spolova/gendera
- Dokazano iskustvo u izradi lokalnih ili nacionalnih gender akcionih planova
- Detaljno poznavanje Zakona o ravnopravnosti spolova Bosne i Hercegovine
- Poznavanje Gender akcionog plana BiH i drugih relevantnih strateških dokumenata
- Poznavanje evropskih standarda u oblasti ravnopravnosti spolova
- Vještine prikupljanja, obrade i analize podataka (kvantitativnih i kvalitativnih)
- Dokazano iskustvo u radu sa različitim akterima (lokalna uprava, civilno društvo, građani)
- Izvrsne komunikacijske i facilitatorske vještine
- Poznavanje lokalnog konteksta i dinamike u ciljanoj zajednici
- Fleksibilnost u radu i spremnost na putovanja

## 6. TRAJANJE ANGAŽMANA I LOKACIJA

Period angažmana: juni-septembar 2026

Lokacija: Grad Gračanica

## 7. IZNOS

Maksimalni raspoloživi iznos za ovaj posao je 5.000,00 BAM , što uključuje sve troškove, poreze i doprinose. Finansijska ponuda ne smije preći ovaj maksimalni iznos.

Ovaj iznos će se smatrati konačnim i neće biti predmet nikakvih izmjena.

Plaćanje će se izvršiti u dvije rate:

- 50% nakon uspješne izrade Analiza stanje ravnopravnosti u Gračnici
- 50% nakon pripremljenog Nacrta Lokalnog Gender akcionog plana

## 8. KRITERIJI ZA ODABIR

Evaluacija će biti rađena po principu najbolja tehnička ponuda (CV) za najmanju cijenu pri čemu će tehnička ponuda činiti 80% ukupne ocjene dok će finansijska ponuda činiti 20% ukupne ocjene (80:20).

### A. Tehnička ponuda (maks. 80 bodova)

Kriterij	Opis	Max bodova
1. Obrazovanje i stručna pozadina	Relevantno visoko obrazovanje i dodatne edukacije	10
2. Iskustvo u izradi lokalnih/nacionlnih Gender akcionih planova	Broj godina, raznolikost angažmana, primjeri uspješnog rada	25
3. Iskustvo u radu na WPS Agendi	Poznavanje WPS principa, projekti ili inicijative na temu	15
4. Metodološki pristup (motivacijsko pismo)	Jasnoća metodologije, razumijevanje ciljeva projekta, kontekstualna osjetljivost	30
<b>UKUPNO – Tehnička ponuda</b>		<b>80</b>

### B. Finansijska ponuda (maks. 20 bodova)

Metod bodovanja: Najniža prihvatljiva ponuda dobiva maksimalan broj bodova (20), a ostale se boduju po formuli: Bodovi = (najniža cijena / ponuđena cijena) x 20

## 9. NAČIN PRIJAVE

Na poziv se mogu prijaviti jedan ili više konsultanata. U slučaju prijave tima konsultanata, potrebno je jasno naznačiti podjelu odgovornosti i područja ekspertize svakog člana tima, kao i imenovati glavnog koordinatora tima koji će biti odgovoran za komunikaciju sa CCI.

Zainteresovani kandidati trebaju dostaviti:

- CV sa detaljnim opisom prethodnog iskustva u ovoj oblasti
- Motivacijsko pismo sa osvrtom na metodologiju rada
- U slučaju tima konsultanata: opis predložene strukture tima, raspodjele zadataka i mehanizama interne koordinacije
- Finansijsku ponudu za tražene usluge, sa jasno razrađenim budžetom u slučaju tima konsultanata

Prijave dostaviti na e-mail [cci@ccibh.org](mailto:cci@ccibh.org) sa naznakom "Prijava za konsultanta za podršku izradi LGAP-a u Gračanici" najkasnije do 10.06.2026.